

ADMINISTRACIÓN LOCAL

MUNICIPAL

BERGONDO

Secretaría

Creación das áreas de goberno municipais

Creación das áreas de goberno municipais

Con data 22 de xuño de 2023, por esta alcaldía ditouse a Resolución núm. 745/2023, que deseguido se transcribe íntegramente:

«Alejandra Pérez Máquez, alcaldesa-presidenta do Concello de Bergondo (A Coruña)

Creación das áreas de goberno municipais

Expediente: 2023/G005/000001

O artigo 43.3 do Real decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais dispón que as delegacións xenéricas que pode realizar o alcalde-presidente se referirán a unha ou varias áreas ou materias determinadas, que constitúen, deste xeito, os eixos básicos nos que se estrutura o goberno local.

Cada área de goberno representa un sector de actividade da Corporación asignada a unha dirección política en virtude das resolucións que adopte a Alcaldía de acordo coa normativa de réxime local.

O artigo 45 do Real decreto 2568/1986, de 28 de novembro dispón que as delegacións que pode outorgar o alcalde se axusten na medida do posible ás grandes áreas nas que o Regulamento orgánico municipal estructure os servizos do Concello.

O Concello de Bergondo non dispón de Regulamento orgánico, polo que, en uso da facultade de dirección do goberno e a administración municipais atribuída ao Alcalde polos artigos 21.1 a) da Lei 7/1985, de 2 de abril e 31.2 do ROF, corresponde á Alcaldía, a falta de Regulamento Orgánico municipal, crear as áreas nas que se estruturará o goberno local.

Por todo isto, no uso das facultades conferidas polo artigo 21.1.a) da Lei 7/1985, de 2 de abril, reguladora das bases do réxime local, **RESOLVO:**

PRIMEIRO. Crear as seguintes áreas de goberno local, que poderán ser obxecto dunha delegación xenérica nos termos do artigo 43.3 do Real decreto 2568/1986, de 28 de novembro, e que corresponden cos correspondentes sectores de actividade:

1. Área de Infraestruturas, Urbanismo e Réxime Interior

No eido das **Infraestruturas**, correspóndelle a esta área o seguemento da execución dos diferentes plans de obras, xa sexan autonómicos ou provinciais, e dos plans de investimentos nas parroquias do Concello, incluída a mobilidade e seguridade viaria da rede municipal, así como a conservación e mantemento das infraestruturas municipais. A planificación de pequenos investimentos nas materias indicadas nos puntos anteriores.

Esta área comprende, no eido do **Urbanismo**, o impulso dos documentos de planeamento urbanístico competencia doutros órganos municipais; a xestión urbanística; a execución de planeamento; expropiacións por razóns de urbanismo, políticas municipais de dotación de solo para vivendas sociais, promoción de vivendas sociais, licenzas urbanísticas de todo tipo, comunicacións previas, licenzas para o exercizo de actividades e comunicacións previas de actividade, expedientes de disciplina urbanística.

No eido dos **Servizos Municipais**, correspóndelle a esta área, o mantemento dos servizos básicos municipais de alumneamento público, abastecemento de auga e saneamento, acometidas, recollida de residuos sólidos urbanos.

En materia de **Patrimonio**, correspóndelle a xestión patrimonial do Concello, mantemento e actualización do inventario de bens, dereitos e obrigas, administración e defensa do patrimonio municipal e do patrimonio histórico.

No eido de **Réxime interior e Persoal**, a xestión dos recursos humanos do Concello, agás as relacións cos representantes dos empregados públicos e Mesa xeral de negociación, a oferta de emprego público e seu desenvolvemento e a organización do traballo e as instrucións de persoal.

No eido do **desenvolvemento económico**, correspóndelle a esta área a xestión de plans de formación doutras administracións públicas, programas de cooperación en materia de emprego doutras administracións, a xestión das políticas municipais tendentes á dinamización e potenciación da vida económica local **-comercio-**, as políticas municipais en materia de **industria, turismo** e promoción dos valores turísticos do Concello, a fixación dos obxectivos para a promoción de actividades económicas do Concello, as relacións cos axentes sociais na procura de políticas integrais de desenvolvemento e fomento de actividades económicas, en concreto, do **parque empresarial** municipal.

No eido da **Formación**, correspóndelle o seguemento dos Plans de formación doutras administracións.

No eido da **mocidade**, a promoción e fomento da participación xuvenil e a planificación e promoción da ocupación do tempo libre da xuventude. En materia de **voluntariado**, a cooperación coas diferentes entidades de voluntarios nos proxectos desenvolvidos en común e o fomento do voluntariado local.

En materia de **Participación Veciñal**, correspóndelle a política de información ao cidadá, políticas municipais de participación cidadá a través dos instrumentos previstos no Regulamento orgánico municipal.

2. Área de Medio Ambiente, Equipamentos Públicos e Seguridade

No eido de **Medio Ambiente**, correspóndelle a xestión das políticas municipais de medio ambiente: sensibilización e fomento da conciencia medioambiental, políticas transversais de sostibilidade ambiental, planificación de espazos públicos e redifinición dos espazos públicos existentes; e os expedientes administrativos relacionados con este área.

No eido dos **equipamentos públicos**, as competencias municipais en materia de praias, cemiterios, e parques e xardíns, a súa conservación e limpeza; conservación e mantemento de edificios públicos.

A planificación de pequenos investimentos nas materias indicadas nos puntos anteriores.

Tamén correspóndenlle as competencias en materia de limpeza viaria, rozas e limpeza de edificios públicos.

No eido da **seguridade**, correspóndelle a xestión da seguridade cidadá, protección civil e policía local.

3. Área de Presidencia

Correspóndelle a área de Presidencia a coordinación das diferentes áreas municipais.

En concreto intégranse na área de Presidencia, no eido do **Urbanismo**, conserva esta área as competencias indelegables do art. 21.1.J da Lei 7/1985, de 2 de abril, reguladora das Bases do réxime local.

En materia de **Contratación**, esta área asume a xestión de tódolos procedementos de contratación do Concello.

No eido da **Transparencia**, correspóndelle a actualización dos datos contidos no Portal de Transparencia do Concello de Bergondo e da páxina web municipal. No eido das **novas tecnoloxías**, correspóndelle a xestión das políticas municipais tendentes á súa implantación completa ás esixencias das novas leis de procedemento e achega aos veciños, as **Plataformas** de tramitación electrónica, tanto locais, coma autonómicas e estatais, a sede electrónica municipal, impulso do uso da administración electrónica e implementación das TIC de xeito transversal, e a implementación da normativa e medidas en materia de **ciberseguridade** e en materia de **protección de datos**.

No eido do **Benestar social**, correspóndelle a xestión de programas dos servizos sociais municipais, de atención ás situacións de marxinación e exclusión social, medidas de integración social, política de inmigración, atención á terceira idade, axuda no fogar, dependencia, muller, familia, diversidade funcional, e igualdade; sanidade e seguemento da Escola Infantil Municipal.

No eido da **Cultura e do Ensino** correspóndelle a xestión das políticas municipais de cultura, lingua e ensino: programación de actividades culturais de todo tipo, infraestructuras culturais, programas de educación complementaria, os programas de conciliación da vida laboral e familiar.

No eido do **deporte**, correspóndelle xestión das políticas municipais de programación de actividades e infraestructuras deportivas de deporte e de ocio e planificación e promoción da ocupación do tempo libre dirixido aos diferentes colectivos da veciñanza municipal.

En materia de **Facenda**, ocuparase esta área, en materia de gastos, da xestión presupostaria do concello, seguimento e control dos orzamentos, xestión económica e financeira da Administración; en materia de ingresos, recursos económicos do concello, xestión tributaria e de recadacion, política fiscal, preparación de ordenanzas fiscais e estadística.

No eido de **Persoal**, as relacións cos representantes dos empregados públicos e a presidencia da Mesa xeral de negociación, oferta de emprego público e o seu desenvolvemento e a organización do traballo e as instrucións de persoal.

Correspóndelle tamén a esta área todas aquelas materias non asignadas expresamente a outra área de goberno.

SEGUNDO. Corresponderá á Alcaldía a coordinación do funcionamento das áreas municipais, así como a resolución das cuestións que xurdan en torno á adscripción a unha área determinada dunha concreta materia.

TERCEIRO. A presente resolución será efectiva dende o 1 de xullo de 2023.

CUARTO. Dar conta ao Pleno municipal desta Resolución, para o seu coñecemento.

Bergondo, 22 de xuño de 2023.

A alcaldesa. Alejandra Pérez Máquez.

Dou fe; a secretaria. Ana María Cacharrón Castelos»

Bergondo, 26 de xuño de 2023

A alcaldesa-presidenta

Alejandra Pérez Máquez

2023/5083